

武備志九

湖北通志卷七十一

兵事五

粵匪

道光三十年庚戌六月廣西賊民洪秀全倡亂於桂平縣之金田

村平定粵匪紀略

咸豐二年壬子春三月賊趨湖南連陷江華桂陽諸州縣秋九月

犯長沙不克徑走益陽擄民船數千艘揚帆下洞庭抵岳州時湖

廣總督程裔采駐軍衡州荊州將軍台湧軍白螺磯地在楊林磯南係出湖達

江要隘荆宜施道文輝軍虎渡河地係湖南湖北水陸總口最爲要害巡撫龔裕乞病

歸以常大淳代之大淳奏言湖北形勢當嚴守岳州遂約提督博

勒恭武統兵千三百人自帥鹽道王東槐會師岳州檄候補中書

吳士邁等團練漁戶設水卡禦賊冬十月常大淳還武昌勤平粵匪方略

志七十一

武備九 兵事

平定粵匪紀略賊攻岳州博勒恭武棄城遁十一月己酉陷岳州

奪舟五千越楊林磯踰簞洲順流而東抵金口距省城六十里巡

撫常大淳署提督雙福以兵三千登陴守禦增募民勇千數不習

戰攻軍民震懼乙卯賊舟師抵武昌江岸守兵以礮擊之遂攻漢

陽府城陸賊已破蒲圻徑抵鄂東門案蒲圻縣防兵調援省城僅存四百人賊大至不敵知縣

周和祥罵賊不屈死分兩翼攻城時向榮已革職在岳州聞賊東犯遣總兵

王錦繡常祿星夜赴援中道爲賊阻截喪亡大半省城紳士請率

十八鋪練勇出城擊賊雙福不許賊得并力攻漢陽戊午陷之漢

陽府知府董振鐸巷戰死陝西副將米瀚游擊李信把總吳金彪

皆陳亡漢口爲東西通衢百貨山積焚掠五晝夜殆盡方略漢志

夏常大淳飛章入告上命欽差大臣署湖廣總督徐廣縉疾援武

昌詔兩江總督陸建瀛督軍九江河南巡撫琦善防楚豫界並授

爲欽差大臣與向榮會剿

方略

賊既陷漢陽擄船作浮橋自集稼嘴

直達塘角偏省城外而壘時向榮援軍出白木嶺進駐洪山福興

玉山蘇興阿諸將陸續至攻賊長虹橋總兵和春李瑞等助之斬

獲甚眾蘇布通阿軍亦抵洪山營省城稍定向榮督諸軍擊賊卓

刀泉洪山等處連攻奪賊巢盡焚城東各壘乘勢追奔及塘角焚

其浮橋賊勢大蹙

方略

是月詔復向榮職幫辦軍務

陷黃岡黃陂孝感諸縣驛路阻塞文報不得通上命改設驛道

方略

十二月

丙子朔

戊寅向榮自洪山出兵攻賊賊分隊抗拒傍省四

圍築壘日夜環攻當是時向榮援軍萬人號勁旅隔賊壘不得進

遣謀入城約巡撫夾擊大淳度人心未固啓城則眾志搖未許向

榮自洪山進攻破賊壘數十賊驚亂榮蹙之沙河屍骸枕藉河水

爲不流勝軍距城才三里使人呼城軍城守兵單薄不任戰大淳

志七十一

武備九 兵事

二

主持重仍不許會天寒雨甚火藥溼榮始收軍賊瞰文昌門濱江

穴地丈餘守陣者以管埋地潛聽隱隱有聲請內穴注水灌賊大

淳又不從己卯黎明地雷發省城陷守者四潰賊從缺口擁入巡

撫常大淳學政馮培元布政使梁星源按察使瑞元道員王燾王

東槐林恩熙提督雙福總兵王錦繡常祿武昌府知府明善同知

王本立周祖銜江夏典史周瀚皆殉難江夏縣知縣繡麟持矛巷

戰死尤烈其餘文武員弁烈紳義民遇害者數萬人闔家殉節者

千數百戶元明以來未過如是之慘

方略

江夏志

賊據武昌仍

造浮橋通漢陽以船四百艘竟赴下游掠糧丙戌入黃州乘勢東

陷武昌縣掠劫銀穀無數旋運鄂營洪秀全踞漢陽楊秀清踞武

昌羅大綱石達開往來爲游兵向榮日夜規復省城令和春攻南

門蘇布通阿攻雙峯山長春觀副將瞿騰龍攻長虹橋賊環築土

壘設巨礮防官軍攻城壘賊相應堅不得下庚寅賊掠蔡甸漢陽西六

里十偏民輸穀二千石錢緡滿載下行向榮遣邀之殺賊百餘奪錢

穀而歸方略王辰詔革湖廣總督程裔采職旋遣戍以湖南巡撫

張亮基代之詔革徐廣縉兩廣總督向榮提督均戴罪辦賊命陝

甘總督舒興阿四川將軍裕瑞赴湖北會勅詔陸建瀛會同安徽

巡撫蔣文慶江西巡撫張芾防九江上同乙未廣東守備薩國亮

攻賊小龜山中礮死上同向榮移軍青山搗賊擄掠子女財貨甚

豐必不舍水就陸令蘇布通阿上駐金口總兵郭仁布率閩兵下

駐武昌縣河洲鎮總兵吉順守雙廟驛黃陂地遣都司張國樑以湖

南礮船攔江夾攻自督大軍進兵卓刀泉以偏賊賊懾向榮聲威

知武昌難堅據謀由襄樊北犯又聞琦善陸應穀統兵扼河南界

乃蓄意東奔有直下江南之謠方略王寅詔革徐廣縉署任拏問治

志七十一

武備九 兵事

三

罪卽授向榮欽差大臣賞還提督頂戴專辦軍務上同

三年癸丑春正月丙午朔向榮遣都司張國樑攻武昌毀城外賊

壘奪其巨礮賊懼陽言上走荊州以船二百駛沌口爲回湖南狀

丁未夜半鄂城東門外火發賊潛由漢陽武勝二門遁登舟傍江

北岸走陽邏向榮急令總兵王山參將劉開泰赴道士袱截賊自

帥部曲入城招集官民調河南布政使嚴正基抵鄂籌善後諸務

星夜督率諸軍追賊上同詔張亮基調湖南礮船剿賊初陸建瀛

奏言武昌爲江上游漢陽爲漢下游今臣日夜調集官兵尙不滿

三千之數且由江南江西溯江西上非得東南順風不能前進其

勢逆而難若得襄陽官軍順流而東直抵漢口而江南之兵上赴

武昌使賊兩面受敵庶可取勝朝廷以荆襄地重兵單難顧鄂漢

不許上同時賊俘擄男婦五十萬人舟船萬餘艘戈鋌照耀帆檣

如雲順大江而下貨財子女輜重置舟中精壯賊分兩岸夾江蘆

莽為枯匪馬踏成坑塹案周天爵疏逆賊以木簾輔舟舟行中流

若無基之城有足之馬結陳而行戰船不能近火攻不能透又有

連環小簾一遇敵軍可以圍攻又於木簾板上覆鋪厚土接連兩

岸可以遮遏上游之師故江漢兵向榮無舟師沿陸下追擲火彈

焚賊艘時風利波迅勢弗及賊遂蹂黃州躡武昌而東方略州府志黃

癸丑河南巡撫陸應穀遣西安副都統常春率滿兵千人赴荆

州防賊方略甲寅賊入蘄水城破獄縱囚屯三日始去土匪競起

知縣劉繁禽置之法民稍定蘄水志初襄陽奸民郭大安鄢鳴琴

等乘省城失守聚於縣北鄉劫掠行旅諸亡賴應之旬日驛道梗

阻襄樊大震安襄鄖荆道羅遵殿時駐荊州籌餉務聞警馳歸令

知縣江世玉禽鳴琴斬之復設計散其黨密籍著名匪首檄所屬

密緝之事甫定會河南巡撫陸應穀遣將柏山赴襄會剿約除夕

志七十一

武備九 兵事

四

搜村殺賊遵殿馳至黃州河楚豫交界地止之曰多殺不祥柏山乃返

方略襄陽志陸應穀奏言襄陽土匪不早殲除裹脅愈眾必致勾結粵

匪侵犯城池臣惟襄陽為楚上游陝豫門戶請飭向榮分軍屯襄

陽一防髮逆之披猖一勦土匪之草竊襄陽克保南陽不守自堅

得旨嘉許亡何雲貴總督羅繞典帥兵次襄陽按籍窮治捕三四

百人置之法大安為鍾祥團首伍天池所獲解郡伏誅事平方略

陽志是時陸建瀛率松江提標兵二千抵龍坪廣濟地遣總兵恩長

禦賊老鼠峽廣濟地在下巢湖對面去龍坪三十里時賊已踰魚台跨田家鎮越蟠

塘勢如破竹而向榮從南岸追賊赴瑞昌與張芾議邀賊於九江

恩長舟師未登岸賊驟至急分水陸三路接戰太湖協副將劉長

清開巨礮擊賊俄恩長手鎗自裂眾潰恩長力竭投江死陸建瀛

退保金陵九江安徽皆失守方略詔以駱秉章署湖北巡撫

廣濟志

已未羅繞典下駐荊州截畱川餉三萬濟軍需疏請移巡撫藩臬分駐荆襄方略 己巳張亮基奏臣由長沙赴武昌武漢兩城新復

亟應預籌控制兼招集流亡嚴拏土匪以為殄賊安民之計臣令湖南總局借米五千石制錢五千緡由水道運赴北省並出示安撫難民招徠商賈但兩城得自灰燼之餘實與從新創造無殊需用孔繁無可設措請於附近豫陝川省借給三十萬兩速解湖北以濟急需詔以湖北漕糧業經蠲緩當在豐收地方勸紳富捐銀米並酌碾倉穀無許支截鄰餉致誤軍機亮基又奏調陝西候補知府江忠源歸湖北差遣 二月丙子朔詔張亮基駱秉章撫綏

武漢難民方略 戊寅欽差大臣琦善軍羅田羅田志 潛江土匪四起羅繞典令庠生唐道顯等練鄉勇禦賊長腦鎮潛江志 乙酉賊陷金陵城方略 詔前藩司唐樹義赴湖北幫辦撫輯事務署總兵耿

文恩撤兵還鄖陽鎮襄陽土匪平故也同上 庚子張亮基駱秉章

潘鐸查辦棄城逃走文武等官定擬罪名具奏同上 壬寅勝保奏

移襄陽駐漢黃等處備調遣同上 三月乙巳 戊申詔張亮基駱秉

章辦道士汛黃石港等處江防同上 擢江忠源湖北按察使同上 是

月張亮基檄諸郡邑團練賊沿途煽惑惡少無賴聞風響應未來

則斂貲餽賊曰進貢賊去假其旗幟裹黃巾聚眾為淫虐曰打先

鋒湖北土匪勢如蝟毛長江左右監利石首通城沔陽崇陽蒲圻

為之壑襄河以下安襄荆德徧野皆伏莽至是行團練之法遴選

紳耆糾習良丁查捕不道羣賊稍斂迹時湖南團練鄉勇首為諸

路倡禮部侍郎曾國藩以親喪在籍有詔使治鄉兵粵匪紀略 夏四

月乙亥朔詔調襄陽宜昌鄖陽等軍赴江南剿賊方略 己丑博勒

恭武伏誅同上 通城土匪方九五劫掠縣城焚縣署邑人黎立祖

等禽之解省城其黨來索大噪縱火焚民舍按察使江忠源以兵赴勦獲其餘黨數十人立斬之

通城志

初廣濟民宋關祐以爭糧抗

官黃梅縣知縣鮑開運以兵往民憤殺開運并戕知府邵綸江忠

源勦平之

黃州府志

丁丑詔江忠源幫辦軍務赴安徽勦賊

方略五月

乙巳朔賊上侵及彭澤江西巡撫張芾檄湖北兵往援江忠源改

趨九江張亮基令署按察使羅遵殿詣下游擇形勝駐兵自赴道

士泐黃石港設木簾舟船遏賊上

同上

是月督撫諭各郡縣捐輸軍

餉

應山志

六月甲戌朔詔湖北兵援江西

方略

勝保攻賊河南解

許州圍賊南走信陽羅田麻城黃安戒嚴

同上

河南賊陷羅山縣

城南走仙花鎮犯黃安前藩司唐樹義擊之賊敗走麻城分竄岐

亭沿河掠竹簾謀出大江都司董玉龍同知張耀孫以兵自團風

遏賊賊敗折回辛家冲復爲同知伍煌所遮連敗之奪賊船三十

志七十一

武備九 兵事

六

餘艘獲牲畜無數陸賊走宋埠

麻城巨鎮

麻城知縣姚國振巡檢梁柱

涵同紳勇禦之會樹義兵敗賊鄢家河賊走羅田越英山還河南

方略黃安麻城羅田各志

乙未張亮基奏臣觀道士泐其南岸危峯斗起

插入江干水流湍急形勢最險惟對面散花洲伏秋盛漲江岸遼

濶難施控制之策黃石港江寬七八里亦無險可扼且兩地皆屬

大治設防其閒則下游黃梅廣濟興國不能兼顧矣惟廣濟之田

家鎮對面有半壁山此處江流如束僅寬一百七十餘丈稍上爲

沙村對面爲牛關磯箭流駛急舟行逆水頗形艱阻臣躬親履勘

擬於田家鎮洲尾安設木筏大礮紮營洲上深溝固壘以重兵鎮

壓其閒實較道士泐黃石港爲優至江西因急亟應馳援然湖北

據長江上游距賊較近防兵共止三千餘人臣於無可抽撥之中

勉調精壯千人並川廣勇丁千人以都司戴文蘭統之由陸路馳

救江西歸江忠源調遣奉旨嘉允略方 庚子張亮基回省城署漢

黃德道徐豐玉署漢陽府知府張汝瀛督辦江防同署提督阿勒

精阿將軍台湧會師守襄樊上同 秋七月甲辰已酉張亮基奏賊

竄河南之新鄭許州偃近信陽隨州應山孝感各州縣處處宜防

應山之黃土平靖武勝三關自古南北有事為必爭之地所謂義

陽三關也臣調官兵千七百令前藩司唐樹義扼守三關截賊入

楚之路令知縣許廣藻主事胡大任勸諭紳耆督團彼此策應以

輔兵力之不足署臬司羅遵殿巡察襄陽甚有惠政令其帶印赴

襄號召鄉團勉以忠義所有提標員弁兵丁盡歸調遣以備不虞

上同 庚戌詔張亮基等購礮造船選調水軍赴金陵而長江水師

之議實始此方是月命崇綸為湖北巡撫上同 八月癸酉甲申詔

四川湖廣倣造廣東拖罟戰船百餘隻每船載兵五十人以備調

遣上同 九月癸卯朔賊破九江乘風上攻田家鎮徐豐玉張汝瀛

楊昌泗督兵拒賊賊謀呼索戰官兵嚴陳以待賊近擊之沈其四

舟賊退甲辰復分三路登岸夾攻游擊董玉龍身先士卒衝入賊

壘都司曠輔廷參將駱永忠以軍繼進賊敗走移泊富池口興國

距田家鎮十五里水經注江之右岸富水注之即此謀從南路奪半壁山懼弗勝佯分舟數

百艘由湖路犯興國州誘官軍往救豐玉等悉其詐益固守張亮

基遣武昌府同知勞光泰率礮船助之王子荊門州知州李樞率

所部擊賊賊敗走追之富池口樞孤軍無繼賊乘之與所部八百

人皆鬪死時江忠源聞賊上犯率總兵音德布領滇川兵赴援行

抵瑞昌知興國州危急馳救之則賊已出富池口夾奪半壁山列

營黃荆馬鞍諸峯官軍夾江相持甲寅忠源按行營壘嘆曰此天

險也棄以資敵奈何謀以次晨移營沙村在田家鎮南岸之日脯

上與貓山相近

士卒方會食倏東南風大作賊舟千餘艘揚颿直上忠源兵少倉卒不及部署賊憑高發礮下擊防兵多逃乃督礮船迎敵光泰所募廣東潮勇不戰而潰有從賊者忠源竟夜立巨筏上指揮諸軍浴血苦戰乙卯黎明風勢愈勁舟賊傍南岸飛棹而上陸路賊乘勢蠡擁北渡環攻官軍汝瀛豐玉皆遇害官軍大潰忠源以楚勇數人奪路走廣濟收集散亡與唐樹義會兵退保省城詔革張亮基職降江忠源四級均畱任辦賊以吳文鎔爲湖廣總督同丁巳賊再陷黃州知府金雲門死之金果毅公行狀己未賊攻漢陽再陷之知府俞舜欽抱印投水死知縣劉鴻庚力戰遇害粵匪紀略己巳賊陷廣濟知縣陳肖儀與其子恩霖死之廣濟志庚午賊走黃陂將攻縣城已革副將張金甲率鄉兵數百人迎擊之沈賊船二十五艘禽斬五十餘人賊遁歸漢口詔曾國藩駱秉章赴鄂遏賊方略辛

志七十一

武備九 兵事

八

未漢陽土匪結賊掠孝感焚衙署大擄民財賊退居民稍集忽傳賊還三汊河有黠役王彪者夜呼於城曰賊至矣知縣李殿華急捕之斷其手坑之民驚乃息孝感志冬十月壬辰朔荊州將軍台

湧奉命援省城繞道安陸聞賊揚言竄荆襄遂令都司葉永泰游擊翟萬林守安陸自將滿兵還荊州方略賊犯德安掠雲夢湖北

學政禮部侍郎青麐方按試德安令前襄陽縣知縣張開霽禦之開霽曾令安陸得眾心號召紳民一日聞得二千餘人青麐招集生童曉以大義令扼要防守鄖陽鎮兵五百人自天門抵應城來援賊折還漢陽同上吳文鎔之初履鄂也巡撫崇綸就之謀曰兵孱而民散省城弗可守也請軍於城外文鎔曰援兵大集吾輩乃出城駐營否則閉闔堅守耳越日賊破漢陽連大艚進泊塘角省城防兵不滿二千賊攻武勝漢陽二門用雲梯登城勢危甚文鎔

督勵士卒拋擲火罐焚其人斷其梯賊氣稍鈍附城民舍尙有存者賊匿其閒謀繞城築壘以偪城文鎔懸賞募丁縋城出焚拆民房賊乃退文鎔日夜巡城不少息或力倦止宿城樓賊知有備移舟漢陽焚府城廂市殆盡分其黨搜掠復乘夜明火擊鼓爲渡江攻城狀城中一夕數驚候補知府伍煜果勇有韜略夜帶健卒數十人燬賊岸上糧臺一區賊恐不敢偪攻省城上同江忠源行次黃陂聞賊已破漢川孝感遂同唐樹義北援德安中途接省報告急折而南戊寅軍抵澠口賊聞忠源兵至夜半退泊陽邏守備劉富成以水師追擊之覆其舟溺斃賊數十已卯江忠源復漢陽城武昌解嚴上同壬午江忠源入皖討賊初忠源任安徽巡撫賊擾安慶省城上以忠源有土地責催令赴皖而楚事方急忠源言東南大局在保武昌請先楚後皖至是武昌圍解皖賊已陷桐城舒城

徑指廬州廬州爲安徽文武大吏僑寓省治忠源遂率音德布等取道六安赴廬郡勦賊上同庚寅賊退下巴河伍煜分兵勇爲四

隊出黃州日午遇賊以一隊佯敗誘敵登岸來追三路兜回賊惶

遽登舟官軍乘風擲火箭歟筒燬賊船七十餘艘賊遁走方略黃州府志

同十一月壬寅朔癸卯賊竄黃州唐樹義軍飢乏餉退駐省城賊

南渡樊口焚掠華容新店各村鎮吳文鎔遣總兵楊昌泗將兵千

五百擊賊下游昌泗遽回省城稱黃州並無一賊四川主事楊熙

以川勇赴楚文鎔撥防城兵益之令赴黃州勦賊方略十二月辛未

朔乙亥命學政青麐赴省辦防務將軍台湧進駐德安上同甲申

吳文鎔奏臣前因賊船甚多我師礮船未齊水勇亦未募集故與前禮部侍郎曾國藩函商囑其在衡州改造戰船雇練水師約以來春正月由南赴北會軍前進無論在楚在皖總期極力窮追一

鼓滅賊此曾國藩所云四省之力合歸逆氛卽臣與國藩籌賊之大略也臣賦性迂拙事期覈實經營未就不敢先事鋪張邇者田家鎮有賊營巴河有賊船黃州賊尤叢叢糾集臣親率官軍出省督戰不能守候礮船造齊矣臣觀目前賊勢以黃州爲大不日調集各軍鼓棹渡江赴黃州督戰乙未吳文鎔軍於靈山河黃岡地同上四年甲寅春正月辛丑朔癸卯曾國藩奏臣月前兩奉援鄂之旨命臣籌備礮船肅清江面後兩奉援皖之旨命臣駛入大江順流東下直赴安徽此時黃州以下被賊占踞巴河要道已成負隅之勢若舟師東下必須克復黃州攻破巴河掃清數百里江面賊船乃克達於皖境萬一黃州巴河之賊堅守抗拒則臣之赴皖無期臣統籌大局宜堵截江面攻散賊船以保武昌查本年賊舟兩次上竄湖南防堵耗費甚多湖北江西亦各耗費數十萬三省合力防

堵之說係江忠源與臣函內言之待南省礮船到鄂卽與北省水師合力進剿係吳文鎔與臣函內言之該逆占踞黃州巴河一路其意常在窺伺武昌論目前之警報則廬州爲急論天下之大局則武昌爲重能保武昌則扼金陵之上游能固荆襄之門戶乃能通兩廣四川之餉道若武昌不保恐成割據之勢爲今之計宜合兩湖之兵力水陸并進以剿爲堵不使賊舟回竄武昌乃決不可易之策若攻剿得勢能將黃州巴河之賊逐漸驅除步步進逼直至湖口之下小孤之間與江西安徽四省合防則南服猶可支撐臣之才力固不能勝臣之見解亦不及此此係吳文鎔駱秉章江忠源之議論舍此別無良策上是之方略青礮調松潘建昌兩鎮兵協防省城吳文鎔率主事楊熙移營堵城距黃州城二十五里遣都司劉富成擊賊龍王山敗之上同丙午吳文鎔令都司周祿擊賊上巴

河賊走竹瓦店軍功張開甲奮勇追賊入市被傷倒地賊酋直前
斫之開甲躍起斬其頭賊皆奔潰庚戌吳文鎔謀知賊黨乘元宵
張燈火飲酒觀劇不設備親督兵勇進攻三戰皆勝會連日大雪
諸軍凍餒有死者乙卯大隊悍賊自黃州蠡擁至俄連營火起兵
勇大潰吳文鎔死之副將德亮亦被害賊乘勢連檣西上丙辰陷
漢陽沿江數十里皆逆艇偽幟按察使唐樹義退保金口收潰卒
圖再舉而賊已連艘追至樹義奮擊沈賊艘十餘俄眾賊蟻集攻
覆坐船樹義落水死樹義家丁王貴懷印竄近地乞食武昌大震
報官出溺骸殮之貴因傷重旋死
上同丙寅賊造木城於漢陽東門築土壘於塘角進逼省城鄂垣
屢經兵災人心渙散青磨竭力死守時賊酋石祥貞用偽東王楊
秀清計舍武昌涉江直上陷岳州絕上游援師更分黨走大江南
北略取諸郡縣出偽示安民黃州之黃梅廣濟二斬武之崇通大

志七十一

武備九 兵事

十一

治興國無賴子弟多從賊者賊徧布偽劄置軍師旅師搜括富民
金帛蓄髮懸賊門牌始棄弗殺楚境荼毒殆徧方二月庚午朔
賊遣偽酋羅四犯蘄水遂寇羅田知縣彭仲芳甫之官縣舊無城
退保多雲鎮賊踞縣治令其黨沿鄉掠取財物邑武生聞其政與
同里楊力虎執斬偽酋十一人棄其屍於石板潭下遂傳檄三鄉
團紳約同日殺賊羅民故樸勇好義聞信響應平鄉蕭士珂周占
魁周慶海奉鄉姚敦禮多鄉熊五緯等同時起兵擊賊賊倉皇逃
命若鳥獸散一日聞縣境肅清自是羅團名大震各縣團練皆聞
名起矣上同賊酋李三元寇麻城舊令姚國振典史李克慎擊賊
宋準死之實王申麻城知縣鄭一作寶昌率團紳李克明鄒述學
等與賊戰於龍困橋軍敗寶昌力戰死麻城志甲戌賊陷黃陂黃陂志
志丙子賊入孝感團紳石榮桂攻賊涂家巷敗之知縣李殿華邀

之楊家岡斃逆渠一人俘九十餘人戮之賊遁歸漢口李感志賊

酋李三元自岐亭走黃安九隴冲黃祥販等處紳勇擊之不克焚

掠甚酷遂陷黃安黃安志辛巳詔授台湧湖廣總督官文荊州將

軍詔催曾國藩督水師赴湖北剿賊方略丙戌都司董玉龍攻賊

廖公鋪敗之遂進復黃陂同己丑貴州即用道胡林翼率黔勇入

湖北剿賊同是月詔授青譽爲湖北巡撫同三月庚子朔時江

北九府六十餘州縣僅施鄖宜荆襄尙存其餘皆陷武昌興國大

冶通山崇陽節節皆賊壘煽結土匪省城文報不通者累月青譽

檄佈克慎出兵漢口青譽與士卒同甘苦好言撫慰糧匱食絕并

無潰散者方略江夏志辛丑曾國藩水師抵岳州方略癸卯賊

攻孝感陷之孝感志黃安縣鄉勇克復縣城知縣許廣藻進剿河

口黃陂志焚賊舟七十餘黃安志甲辰詔佈克慎署理湖北提督方略

志七十一

武備九 兵事

十三

賊由孝感走應山台湧禦之八里坌兵敗賊遂陷應山乙巳知

縣聶光鑾復之賊走隨州應山志甲寅漢口賊攻武勝漢陽門青

譽擊敗之斬首百餘級鸚鵡洲賊同時攻白沙洲游擊侯鳳岐擊

走之賊舟退泊襄河方略庚申賊陷雲夢台湧佈克慎退走德安

賊乘勢分三路進攻兵勇不戰而潰遂陷德安台湧退武勝關詔

革台湧總督畱任辦賊同西安將軍舒倫保督河南兵出武勝

關勦賊詔調陝西河南江西兵赴楚擊賊同初曾國藩率水師

東下議先清陸路後洗長江遣胡林翼及副將塔齊布擊崇陽通

山賊同知王鑫攻蒲圻賊連勝之逆勢衰挫王鑫以二千人由岳

州赴蒲圻遣賊羊樓司前營失利鑫督中營繼進縱橫盪決斬馘

甚眾賊已潰退方會食忽大至分路圍襲鑫指揮拒敵鏖戰移時

勢不支而退折回岳州同賊陷隨州西犯安陸府連陷之隨州志

通山知縣陳景雍擊賊四都藕塘通城地不克死之通山志塔齊布復

通城通城志賊犯荆門州謀攻襄樊襄陽知府多山激勸部民得

練勇五千人駐王家河石灰窯歐家廟諸要害復選健壯越境擊

賊連克鍾祥京山賊不敢西當賊初起兵備道羅遵殿倡言辦賊非堅壁清野不可時官庶單懋謙乞

養家居商定章程舉紳首數十人勤肄而襄陽志夏四月己巳朔賊攻

潛江劉家場知縣龔煥枝遣巡檢葛寶森乞援荆州庚午夜賊突

至縱火謀而攻之潛江城陷團首董煥國等聞警馳救擊賊敗之

潛江志甲戌偽丞相曾天養陷荆門州進窺荆州時城兵僅二千

人荆民洶懼初雲南游擊王國才參將佟攀梅把總畢金科以兵

七十四人過荆按國才等本吳文鎔奉調未抵省而武昌城陷官文愛其驍勇畱之賊適

至乃分兵之半屬攀梅守江陵了角驛國才率金科守北關以滿

兵二百人駐龍陂橋斬梁而塹壘石為橋列礮嚴守辛巳賊侵晨

志七十一

武備九 兵事

三

自荆門拾迴橋進攻滿兵覘賊盛色動欲奔國才拔劍出鞘曰今

賊如濤湧不進何處求生親發巨礮擊之賊前鋒有執大纛者應

聲倒賊隊遂亂金科率健卒數十人躍塹而戰與賊進退者三滿

兵發連環鎗助之俄頃賊敗殺獲無算餘黨遁小市金科率眾追

之國才以火燃及賊藏藥所須與煙燄障空焚小市殆盡自是賊

相戒不敢窺荆州粵匪紀略荆州敗賊走當陽西襲宜昌府陷

之賊謀入蜀不果東折宜都宜都無備賊疾馳入東郭陷之乘勢

下枝江聞枝勇四起乃踰松滋入岳州宜昌府志丁亥黃

安鄉勇斬偽酋李三元復黃安初三元據黃安城遣黨北掠李熊

村李姓募勇擊之賊入城閉守李更招僧兵約闔縣各義會環城

攻之賊不出夜半攀樹登城賊覺斬四僧擲頭出眾僧怒縱火焚

北門賊逸出鄉勇追擊之殲其眾三千人遂復縣治黃安志岳州

賊結巴陵土匪王光鼎分道寇石首焚龍蓋山諸廟秦如虎率團勇往救有徐興元者悍賊也策馬走險迷不能出斬之并斬從賊數十人賊別隊突入縣北門焚官署戊子賊出招商河循止瀾隄如虎領團勇出東門抵二神寺與賊遇失利賊偪鄉勇入小河死者數十人如虎短刀發袖鎬殺悍賊數人賊追之度橋掣其馬尾急抽劍斷尾乃免賊遂入黃金市焚掠勢張甚宵半忽傳澧州兵抵華容賊望見南嶽山神燈無數懼而夜遁荆府志五月己亥朔賊犯潛江紳首董煥國以練勇擊敗之會他賊蠶擁來援煥國死戰忽大礮震裂眾潰煥國率子其彥投河死潛江勇丁士民遇害者三千七百餘人潛江志荆州副都統貴陞總兵訥欽復宜昌府粵匪紀略庚子經歷吳振鏞文生李光榮復石首石首志辛丑李光榮等復監利石首志癸卯舒倫保敗賊應山時偽酋邱某挾數萬

志七十一

武備九 兵事

十四

眾犯應山舒倫保以兵五百出武勝關赴援值午節鄉民赴城者眾聞警人持繖以奔舒倫保令曰待我與賊戰持繖者倒其柄以指賊可退也眾應諾俄賊嘯呼至舒戒勿動待賊撲之三令曰開鎗無虛發賊前隊倒地有奔者邱逆令棄騾馬散衣錢誘官軍亂而敗之舒倫保令曰誰敢拾一物者斬大戰良久難民從陳後呼殺助聲威賊遠望謂繖柄為矛戟也懼而退走追擊至東河而還

應山志

松滋知縣鍾齡使邑紳李延湘復松滋

松滋志

是時賊酋石

祥貞兩陷岳州曾軍輒擊走之賊悉眾竄湖北

湘軍記

漢口賊舟

四百餘艘竄赴下游雞窩築土城絕武昌糧道戊申青礮遣楊昌泗書紳魁王等擊敗之塌毀土城焚賊舟一百餘奪獲二十餘斃賊千餘人賊舟自漢口橫竄塘角鮎魚套總兵侯鳳岐與楊昌泗等回軍掩擊沈賊舟三十餘艘賊始退

方略

湘軍紀畧

六月

戊辰

己巳武昌省城陷布政使岳興阿按察使曹懋堅糧道李卿穀死之初賊據漢陽省城危若累卵然賊志欲據上游爲破竹勢故弗力攻武昌逮岳州敗衄青麐有雞窩鸚鵡洲之捷賊憤甚全力圍攻青麐所部止千餘人涼州高州二鎮兵僅能自保民庶遷徙殆盡守陣卒寥寥如置棋餉竭青麐出家蓄金玉玩物充犒賞不足取所愛裘裘益之援絕食盡與士卒啖糠覈眾無散志困守孤城五月有奇至是城陷將自縊眾兵擁之出謀赴荆襄聽總兵楊昌泗之謀曰荆襄無路可通繞道出長沙可乞大營軍餉謀恢復也遂走長沙赴荆州朝廷以疆吏棄城越境法不赦令將軍官文縛斬之初青麐素得軍民心將行刑部眾謀牒訴將軍代奏乞恩旨俾減賊自贖青麐慰諭之曰我死汝輩好自殺賊以贖我罪我雖死猶生也眾伏地大哭青麐單騎入城就戮卒之日泣聲振原

志七十一

武備九 兵事

五

野諸營旗幟皆白荆沙商民爲罷市楚人至今哀之

粵匪紀略 荆州武昌探

訪冊

四川總兵雙保福所以松潘建昌兵二千赴荆州固原提督

桂明以陝甘兵十八百赴黃陂溝口勦賊

方略

安陸知縣楊大齡

率民團與佈克慎攻賊應城追之西門擊沈逆船於河遂復應城

同上

癸未詔授楊需湖北巡撫兼署總督礮台湧官職歸差遣

賊走麻城東山黃和尚據木樨河曹天福據木子店東山民故

多號武團首童先桃詹兆朱胡鼎三余雅祥李久椿等各練壯丁

尅期殺賊和尚夜遁斬天福兆朱等以勇衛縣官入城賊棄城遁

辛卯復麻城

麻城志

總兵雙保攻天門賊潛江紳首楊玉成郭代振

等從之軍次漁新河逆艘突至擊敗之退江家橋

方略作 廖家橋

與賊夾

河相持次晨麾軍大呼渡河直攻賊壘敗之復天門

方略 潛江志

秋

七月

戊戌朔

時佈克慎殲賊阜市游擊吳登鰲敗賊長江埠台湧舒

倫保桂明諸軍集襄德閒次第收復郡縣漢北賊勢漸衰訓導江忠淑等自平江至勦崇陽賊大小十一戰屢斬賊酋長江以南賊勢亦衰惟上起湖南常德下訖蘄黃長江首腹四五百里仍爲賊巢穴

方畧

乙巳官文貴陞奏臣等查武漢爲根本重地荊州爲七省

通衢武漢賊一日不盡荊州一日不安前賊由洞庭湖攻常德復走岳州致南北援軍均爲牽掣爲今之計欲復武昌必先圖漢陽欲圖漢陽必由襄河進兵前派總兵雙保由潛江渡襄河隨勦隨進又道員羅遵殿由沔陽仙桃鎮漢陽之蔡甸直達漢陽又四川建昌鎮福析撤回虎渡口

荊州地爲湖南北水陸要害

爲雙保後援其岳州一

路聞曾國藩統礮船駐湘陰塔齊布在岳州上數十里駐營臣飛

咨勸令速進同知李光榮令駕礮船駐調弦口

石首地臨江

以通荊州

長沙之氣同知銜張于銘令紮尺八口

監利地臨江

以通監利岳州之

氣守備宗維清知縣徐文灼令赴監利知縣吳振鏞令赴沔陽守備鍾埈令赴沙市皆爲直達漢陽之計臣守荊州所餘雖屬無多然副將王國才佟攀梅都司畢金科協領依西布等皆千人之敵倘賊窺伺荊城尙不難憑城一戰

同上

庚戌楊需奏七月四日臣抵德安越三日蒞任視事此時台湧駐德安舒倫保桂明駐楊店佈克慎駐應城劉富成駐長江埠臣思湖北南境大半淪沒倘以保守北境爲先省城旣失司道各官無駐紮辦事之所臣請移襄陽以資控制此時德安宜昌荊州甫經收復荊州屬邑殘破過半漢水千里并無舟師臣令羅遵殿復安陸令雙福劉富成復京山令佈克慎防潰口令知縣許賡藻賀榮聯絡團勇守黃陂麻城臣熟計深思當建三路進兵之策一由孝感收黃陂一由天門收漢川一由襄河雇船裝兵直達漢口同時并進繞攻漢陽漢陽旣破

臣料武昌之賊不戰而可潰也同安襄鄖荆道羅遵殿遣兵復京

山進攻安陸守備石清吉設伏東門劉富成夾擊之賊退王子復

安陸府略河陽州知州蕭蔭恩等復河陽同孝感知縣李殿華率

紳民攻縣城二十六戰皆勝之遂復孝感同羅田知縣彭仲芳駐

上堡訓練民團上堡襟帶皖豫天堂寨鹽堆山諸峯合沓環抱號

為險阻賊恨羅人倡練殺酋屢率大隊躡羅數為羅勇所敗賊益

憤聞仲芳屯上堡遂閒道直赴多雲鎮謀擊之仲芳邀賊樓子山

大敗之賊走蘄水癸亥復羅田羅田志閏七月戊辰己巳曾國藩

塔齊布大破賊於城陵磯湖南巴陵地距城十五里廣西平樂府知府李孟羣

督糧道李卿穀子領水師誓殄賊報父仇以舟師三營泊擂鼓臺

下巴陵地在荆河腦對面庚午黎明從荆河順流而東連破觀音洲監利白

螺磯楊林磯皆河陽地諸賊壘大軍進駐螺山案三江口以下東岸之

志七十一 武備九 兵事 七

荆河腦白螺磯為由荆入川由岳入賊復犯羅田知縣彭仲芳禦

湘之要害官軍至此始得上游門戶賊三里橋破走之三里橋在縣城南羅田志

魁玉楊昌泗會李孟羣水師復嘉魚蒲圻二縣知縣陳鑑源以

湘勇復通城同丁亥塔齊布曾國藩奏曰按察使胡林翼膽識

絕人威望素著所帶黔勇六百人前守貴州黎平教練有素屢著

戰功本年勦賊崇通攻復常德所至皆愜民望應令仍統率舊勇

新兵自成一隊隨同臣等東征於大局必能有濟又接陳啓邁咨

稱賊擾江西亟待應援特調朱孫貽羅澤南往江西孫貽署守寶

慶應由撫臣酌覈羅澤南所帶湘勇千人與臣塔齊布連營共戰

屢次大捷此時已駐螺山請免赴江西以使規復武漢詔許之既

而駱秉章疏稱大兵東下岳州新復防賊襲仍畱林翼駐岳州同

八月丁酉朔楚南軍既復岳州謀乘勢東下塔齊布謂曾國藩曰